

Manmin nga mga Balita

NO. 89 MAYO 6, 2018

DR Congo Napukaw Pinaagi sa Miting nga Gihimo sa Sidlakang Bahin!



Si Senyor Pastor Dr. Jaerock Lee, Chairman sa United Holiness Church of Jesus Christ, naghimo sa Uganda Holy Gospel Crusade niadtong 2012 og gisibya kini sa CNN, ang nag unang news channel sa kalibotan. Pag human iyang gipadayon ang pagpangalgad sa Africa pinaagi sa krusada didto sa Kenya tuig 2001 og sa DR Congo tuig 2006. Iyang giwali ang balaang ebanghelyo uban sa mga timailhan nga nag konpirma sa mensahi.

Human sa iyang pagpangalagad, si Bishop Dr. Myongho Cheong, Chairman sa United Holiness Church of Jesus Christ, sa Africa, nga nangalagad sa Nairobi Manmin Holiness Church, aktibong nagapamuhat sa African ministry sa 55 ka mga nasod (litrato #1).

Marso 2018, naghimo siya og revival

meeting og healing meeting sa panyo sa Elshaddai Church sa Uvira, DR Congo sa imbitasyon ni Pastor Alembe nga nag alagad sa simbahan. Nakadawat siya og dakong grasya sa mga sermon ni Dr. Lee sama sa “Why Is Jesus Our Only Savior?” nga gihatod ni Dr. Cheong ngadto niya. Ang mga miyembro napuno sa grasya og emosyon sa maong miting.


Sa ika-2 og ika-3, iyang gihatod ang mensahe nga giulohan “The Measure of Faith” kinutlo sa libro sa Roma 12:3. Iyang giawhag ang mga nanambong nga magpakabalaan, moabot sa pagtoong makapahimuot sa Dios og

aron makasulod sa Bag-ong Herusalem. Human sa mensahe, nag ampo siya sa mga masakiton gamit ang panyo nga inampoan ni Dr. Lee og daghan ang nangaayo sa lainlaing sakit (Buhat 19:11-12).

Sa ika-4, iyang giwali ang gugma sa Dios og ang Garden of Eden ubos sa tema “The Providence of Creation” basi sa Genesis 1:1 (litrato #5). Pagka gabii nagbuhat siya sa healing meeting sa panyo sa Uvira uban sa gibanabanag 2,000 ka mga atawong nanambong. Iyang gihatod ang mensahe “Put

Out into the Deep Water and Let Down Your Nets for a Catch” basi sa Lucas 5:1-9. Ang mga tawo nakadawat sa grasya og nidawat sa Ginoo. Sa dihang siya nag ampo uban ang panyo, daghan ang nangaayo sa ilang mga sakit og ang uban nga nakasaksi sa lihok nagpa rehistro sa Eshaddai Church (litrato #2, 3).

Sa ika-5 og 6, ang pagpanudlo sa Manmin International Seminary gihatag sa Baraka town og Uvira city (litrato #4). Si Dr. Cheong nihatag sa pagpanudlo ubos sa tema “The Providence of Creation” basi sa Genesis 1:1. Ang mga pastor na surpresa sa kalawum sa espirituhanong mensahe sa probidensya sa pagpamuhat sa Dios, og sa rason nganong gibutang sa Dios ang kahoy sa kaalam sa maayo og daotan, og ang sekreto sa Garden of Eden.



“Espirituwal nga Pagtoo og Unodnong Pagtoo” Giwali sa Finland

Marso 11, 2018, si Pastor Christina Roh sa Hainaut Manmin Church sa Belgium gi imbitar sa King of Kings Church sa Finland og sa Domingo nga serbisyo iyang giwali ang mensahing giulohan og “Espirituwal nga Pagtoo og Unodnong Pagtoo” basi sa Efeso 4:13.

Si Pastor Viktor Kurnikov og ang iyang mga miyembro niingon, “Nabulahan kaayo mi sa iyang mensahe nga klaro og espirituwal nga mensahe og nahatagan mi sa higayon sa pagsusi sa among pagtoo.” Naghinulsol sila sa ilang unodnong pagtoo og niingon ilang

tinguhaon ang pagsubay sa pagtoo. Buot silang perming makig uban sa pagtrabaho sa Manmin. Dugang pa, ang iyang mensahe gisibya sa TBN Baltia og BEPA24 nga Kristohanong magsisibya para sa mga tawo sa Baltic og sa mga Russian-speaking.

Ang Manmin gipaila sa simbahan pinaagi ni Pastor Maksim Tomassov, Presidente sa TBN Baltia. Naka tambong siya sa Dr. Lee’s Estonia United Crusade 2010 og naka eksperyensya sa gamhanang lihok sa Espiritu, og pag 2017, nibisita siya sa Manmin Central Church sa Seoul.

Mga Siminar nga Gihimo sa Punjab, India Pakatag sa Balaang Ebanghelyo

Ang mga siminar alang sa mga Hindi og sinultian sa mga manan-away sa GCN og ang mga pastor naghimo usab sa tulo ka siyudad sa Punjab, human sa siminar nga gihimo sa Delhi.

Gikan Marso 12-15, 2018, si Pastor John Kim, Delhi Manmin Church, India, nihatod sa mensahing, “The Reason God Made Man of Dust from the Ground” (Genesis 2:7) og “Human Cultivation” (Genesis 3:23). Iyang giawhag ang nanambong nga maghisama sa Ginoo og aron mahimong tinuod nga anak sa Dios og manulti mahitungod ni Dr. Jaerock Lee

og sa iyang gamhanang mga buhat.

Iyang gipasabot ang talagsaong lihok nga nahisulat sa Buhat 19 og nagpamatuud sa samang buhat nga nahitabo karon pinaagi sa panyo nga inampoan ni Dr. Lee. Iyang giampoan ang mga nanambong gamit ang panyo og daghan ang mga naayo. Ang tawong masakiton nga nagsalig sa sungkod sa milabay’ng 6 ka bulan, nakalakaw nga wala na magsungkod human sa pag ampo. Ang mga pastor nipahayag sa ilang dakong tinguha sa balaang ebanghelyo og ni hangyo ni Pastor Kim nga maghimo og siminar matag bulan.



Senyor Pastor Dr. Jaerock Lee

“Unya sa kusog nga tingog misinggit si Hesus, ‘Amahan, itugyan ko sa imong mga kamot ang akong espiritu’ human siya makasulti niini, namatay Siya” (Lucas 23:46).

Kataposang Pito ka Pulong ni Hesus sa Krus (4)

ka matinguhaon og desperado diha sa iyang pag ampo.

2. Ang Rason nganong niingon si Hesus, “Amahan, itugyan ko sa imong mga kamot ang akong espiritu”

1) Si Hesus Nagpamatuud nga ang Espiritu sa Tawo molungtad.

Ang tawo naay espiritu, kalag og lawas. Kon ang kinabuhi matapos na, ang lawas, nga bayanan sa espiritu og kalag, mobalik sa yuta. Tungod kay ang espiritu eternal og immoral dili kini mahanaw. Ang espiritu ni Adan gihatag human sa pagbuhat niya, sa dihang ginhawaan siya sa Dios diha sa buho sa iyang ilong sa ginhawa sa kinabuhi (Genesis 2:7). Ang Dios mipuno sa espiritu ni Adan sa espirituwal nga kaalam nga mao ang matuud.

Ang “kalag” nagpasabot sa tanang gamit nga maoy motugot sa tawo aron mamundo og impormasyon sa iyang utok og motugot nga siya makahinumdom sa impormasyon, makahunahuna mahitungod niato, og mogamit o mobuhat niato. Sa original, ang master ni Adan mao ang iyang espiritu nga maoy nag kontrola sa iyang kalag og lawas. Kay ang iyang espiritu puno man sa matuud, ang kalag og lawas ubos sa pag kontrola sa espiritu anaa sad sa matuud. Sa dihang si Adan nakasala sa Dios pinaagi sa pagkaon gikan sa kahoy sa kaalam sa maayo og daotan, ang iyang espiritu namatay. Ang “pagkamatay sa espiritu” nagpasabot nga naputol o wala nay kumyunikasyon sa Dios og ang espiritu dili na makahimo sa iyang katungdanan.

Kon ang espiritu, ang master sa tawo, mamatay og dili na mo obra, ang kalag maoy mopuli isip master og mosugod sa pagbuot sa lawas. Ang kalag mahulog sa lihoc sa kaaway nga si satanas og magsugod og dawat sa mga bakak nga kaalam. Kon ang dughan mapuno sa mga bakak, ang matuud nga original nga gibutang sa Dios mapulihan sa mga bakak. Og sa kataposan ang dughan mapuno sa pagdumot, kasuko og kahangol. Bisan pa, ang pagkaputol sa lihoc sa espiritu sa tawo wala magpasabot nga ang iyang espiritu nawala. Ang espiritu sa tawo naumol sa ginhawa sa kinabuhi

sa eternal og immortal nga Dios. Og dili kini mawala.

Unsa may mahitabo sa kalag kon ang lawas mamatay? Ang utok gikinahanglan sa tawo aron maka obra. Pinaagi sa iyang brain cells nga siya maka handum og makahunahuna. Kon ang pisikal nga kinabuhi sa hayop (nga walay espiritu) mamatay, ang sistema sa memorya sa utok sa hayop mawala; ang unod og kalag mawala usab og mahanaw. Bisan pa, ang gamit sa kalag sa tawo, nga may espiritu, mopaingon sa ‘kasingkasing’ og magtipig niini. Mao nga, imbis mawala, ang kalag mohangtod uban sa espiritu kay ang kinaiyahan sa kalag mabutang sa espiritu.

Sa samang rason ang Ginoo niingon, “Amahan, itugyan ko sa imong mga kamot ang akong espiritu.” Kon ang matag-usa maka dunggog sa ebanghelyo og modawat ni Hesu Kristo makadawat sa Espiritu Santo og ang iyang ‘patay’ nga espiritu mabuhing pagbalik. Ang tawo nga nabuhian pagbalik sa espiritu og kon ang iyang dughan mapuno sa matuud makaingon ta nga “Ang iyang kalag milambo.” Sa paglambo sa kalag-sa pagpuno sa kasingkasing sa matuud-ang tanang kalihokan sa iyang kinabuhi molambo usab og siya magpahimulos sa maayo og baskog nga lawas (3 Juan 1:2).

Sa giingon ni Hesus sa Juan 3:5, “Sultihan ko ikaw, walay makasulod sa gingharian sa Dios gawas kon matawo siya pinaagi sa tubig og sa espiritu,” kon ang tawo matawo pag-usab sa tubig og sa Espiritu Santo – katong espiritu nga nabuhing pagbalik og ang ilang dughan wala maugmad alang sa matuud tungod sa ilang dili pagtoo ni Hesu Kristo dili makasulod sa Langit. Ang impeyerno maoy lugar nga gitagana alang nila.

2) Si Hesus Nagpamatuud sa Iyang Pagsunod og Pagtuman sa Tanan Pinasubay Lamang sa Probidensya sa Dios.

Sa punto nga si Hesus nag ampo didto sa krus “Amahan, itugyan ko sa imong mga kamot ang akong espiritu,” nagpamatuud kon giunsa niya pagsunod og pagtuman ang tanan pinaagi lamang sa probidensya sa Dios.

Si Hesus mianhi sa kalibotan, ang Iyang pagpalansang sa krus, og ang Iyang pagkayab wala gi plano o gihimo pinasubay sa iyang kabubut-on, apan pinasubay sa kabubut-on sa Dios nga maoy nagmando sa kinabuhi sa tawo, kamatayon, tunglo, og panalangin, lakip na sa kasaysayan sa tanang katawhan (Juan 4:34).

Kon kita mag ampo sa ngalan ni Hesu Kristo, ang Usa nga motubag sa atong pag ampo mao ang Dios. Si Hesus niingon nato sa Mateo 10:29-31, “Sa gamay’ng kantidad, makapalit na kamog duha ka gagmay’ng langgam nga sayaw, apan bisan pa niana walay usa kanila nga mahulog sa yuta kon walay pagtugot sa inyong Amahan. Bisan gani ang buhok sa inyong ulo inihap man. Busa ayaw kamo kahadlok kay labaw pa kaayo kamog bili kay sa mga langgam.”

Kon tinuud gyod ninyong gisilil og gidawat sa inyong dughan ang espirituwal nga pasabot sa mga kasiguroan gikan sa Ginoo, makahimo ka sa paghatag sa tanan ngadto sa Dios. Sa gipahinumdom sa Dios kanato “walay usa kanila nga mahulog sa yuta kon walay pagtugot sa inyong Amahan” og ang “Bisan gani ang buhok sa inyong ulo inihap man,” kon makasalig kita Niya pinaagi sa pagtoo, makadawat gayod kita sa Iyang tubag, sa problema man sa mga sakit, grasya sa trabaho o negosyo, bisan gani sa pagtuman sa trabahoon alang sa Dios.

Bisan si Hesus Dios og usa diha sa Dios, si Hesus misunod lamang sa kabubut-on sa Dios og misalig sa tanan ngadto Niya. Sa samang paagi, imbis mosalig sa paagi sa tawo og sa ubang tawo, maayo unta og ang matag usa kaninyo adto lang mo nonot og mosalig sa Dios, maka eksperyensya sa lihoc sa Dios nga dili mahimo satawo, og maghimaya Niya sa tanan.

Mahal nga kaigsoonan ni Kristo, sa pagbaton sa “Kataposang Pito ka Pulong” ni Hesus didto sa krus, sa paghupot sa dughan ni Hesus nga mituaw taliwala sa iyang kasakitan sa paglansang, og sa bug-os nga pagtuman sa kabubut-on sa Dios, ako mag ampo, nga sa imong paghulat sa pagbalik sa ngalan sa Ginoo, ang matag usa kaninyo makadawat sa korona sa pagkamatarong nianang adlaw.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihoc sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasalan anan pinaagi lamang sa dugo ni Hesu Kristo.
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 08389
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminen@manmin.kr
Publisher: Dr. Jaerock Lee
Managing Editor: Geumsun Vin

Unsaon nga Mapadali og Palayas ang ‘Mausab-usabong Hunahuna’

Usa sa mga hiyas sa pagkamatind-anon sa Dios, nga mao ang Espiritu, mao ang kalidad sa pagka ‘dili mausab’. “Makasalig kamo nga ang Ginoo nga inyong Dios, Dios gayod. Kasaligan Siya sa pagtuman sa kasabotan og walay paglubad ang iyang gugma niadtong dili maihap nga mga kaliwatan nga naghigugma kaniya og nagtuman sa iyang mga sugo” (Deuteronomio 7:9).

“Ang Dios dili tawo busa dili Siya mamakak. Dili Siya anak sa tawo busa dili mausab ang iyang hunahuna. Bisan unsay iyang isaad buhaton gyod Niya. Mosulti Siya og nahimo kini” (Numeros 23:19).

“Ang tanang maayo og hingpit nga mga gasa naggikan sa langit; gikan kini sa Dios nga maoy nagbuhat sa mga kahayag diha sa langit. Dili gayod Siya mausab o magpakitag landong sa pagkausab” (Santiago 1:17).

Unsay pasabot sa ‘mausab-usabong hunahuna’? Mao ang pag usab sa inisyal nga desisyon, nga natawo diha sa matuud, alang sa kuagalingong binipisyo. Tingale maghunahun ka nga tungod kay dili ka maayong motamod sa imong resolusyon, o dali kang kapuyon sa mga butang, o dali ra gyod kang mo give-up. Bisan pa, mahimo mong palayason ang kinaiyang ‘mausab-usabong’ pinaagi sa pagtoo sa Ginoo kon imong madawat ang tabang sa Espiritu og ang grasya og kusog gikan sa Dios. Niay 3 ka mga butang nga makatabang nimo sa pagpapahawa sa ‘mausab-usabong hunahuna’ nga maoy pugong sa imong pagtubo espirituwal.

Una. Ayaw pataka o pagdali og himog desisyon tungod lang sa panahon, kahimtang og emosyonal nga sitwasyon.

Ang ubang tawo moingon nga ila to nabuhat tungod sa panahon og tungod sa emosyon. Apan dili nila batonan ang ilang gipamulong og mag mahay nganong ila to gisulti. Kon ikaw kasagaran permi magtabi o permi mag estorya og pasiaaw, imong susihon kon naka estorya kaba og mga butang nga daling nigawas sa imong baba. Dili gyod ka mo estorya og bisan unsa nga dili nimo mabuhat. Pinaagi ini, imong malikayan ang pag ‘usab-usab’.

Katong permi mag usab-usab sa ilang hunahuna og dili motuman sa ilang mga saad ngadto sa uban og bisan sa ilang kaugalingon makahimo usab sa dili pagtuman sa ilang saad nga gihimo atubangan sa Dios. Mabasa sa Salmo 15:4, “Siya nga nagsalikway sa gisalikway sa Dios, apan nagpasidungog

niadtong mahadlok sa Ginoo; siya nga nagtuman sa iyang saad, bisag lisod kaniya ang pagtuman niini.” Nag-ingon ang Numeros 30:2, “Nga kon ang usa katawo may gisaad sa Ginoo og iya kining panumpaon, kinahanglan nga iya kining tumanon.” Matag pulong nga imong gisulti og ang tanan nga imong gihimoan og desisyon atubangan sa Dios imo gyod batonan.

Aron imong mabatonan ang imong gipamulong hunahuna gyod usa pag ayo usa kapa mo sulti. Santiago 1:19, “Minahal kong mga igsoon, timan-i kini! Kinahanglan nga andam kamong tanan sa pagpamati apan dili madalidalion ang pagsulti o dali nga masuko.” Kon imong bansayon nga magiyahan sa Espiritu uban sa mabinantayong hunahuna, imong malikayan ang sayop nga mga pulong.

Ika-2. Pagligdong og pag permanenti sa imong resolusyon.

Aron naa kay maabot, imong dad-on ang imong resolusyon uban sa buhat. Ang maayong paagi aron dili mag usab-usab sa hunahuna mao ang pag desisyon sa tinuurray pinaagi sa buhat. Ang imong habit sa pag usab-usab tungod sa kinaiyahan sa pag usab-usab. Dugang pa, ang habit sa pag usab-usab tungod sa pagtubo sa kinaiyahan sa pag usab-usab diha sa imong hunahuna.

Mao nga, imo gyod bansayon ang dili pag usab-usab pinaagi sa pagligdong og buhat sa imong resolusyon sa hinayhinay. Ibutang ta dili ka magbasa og kapitulo sa Bibleya matag adlaw. Og karon mo desisyon ka nga mobasa og 30 ka kapitulo matag adlaw. Kon kining maong tumong maoy imong gihunahuna, dili gyod ni nimo maabot og mo usab ka nalang sa imong desisyon. Ining kasoha pag-set og tumong nga igo lang nimo mabuhat, sama sa pagbasa og kapitulo matag adlaw. Kon imo na ning

permanenteng mabuhat, sa ngadto ngadto makahimo kana og 30 ka kapitulo matag adlaw. Kini nga proseso mahimo pinaagi sa pag palayas sa bisan unsang makasasalang kinaiyahan. Pag ampo gyod aron mapalayas ni og paningkamot nga imong mabuhat hangtod kompleto mo kining malabay. Bisan pa, ang uban mag ampo og mobuhat sa pagpalayas kadiyot apan mohunong sa tungatunga. Mag ampo nasad og mosulay sa pagpalayas nasad. Ining paagiha, magsige lang og sugod og magbalik balik nasad. Dili gyod mapalayas.

Sa pagpalayas sa mausab-usabong hunahun, mag permanente ka gyod og magligdong sa pagbuhat, bisan pa og unsa ka gamay. Og imong ma amuma ang pag kontrola sa kaugalingon, nga maoy mag-monitor og mag paangay sa imong kaugalingon, og kini magamit sa tanang parti sa imong kinabuhi.

Ika-3. Ayaw pag pakawala sa paglaom og give-up sa tungatunga.

Pananglitan naay duha katawo nga naghimo og resolusyon og ila na kining gibuhay. Apan sa tungatunga dili na sila makapadayon. Ang usa mobalik og magsulay nasad sa pagbuhat, apan ang usa mohunong na gyod. Ang resulta dako kaayog kalahian. Sa samang paagi, kon ikaw ma dismay og mohunong sa tungatunga aron unta mahimong balaan, dili mo gyod kini maabot.

Kon ang manlulumba sa dagan mohunong sa tungatunga, dili niya ma kompleto ang dagan og dili makadaog sa medal. Sa samang paagi, dili ka makasulod sa langit kon ikaw mohunong. Apan basta kon dili ka lang mohunong, makasulod ka sa langit og basin pa gani makasulod ka sa pinaka nindot nga puloyanan didto. Dili ka gyod makaingon nga tungod kay naa kay ‘mausab-usabong hunahuna’ dili nimo mahimo ang mga butang. Dili nimo mahimo tungod kay mohunong kaman og ma

dismaya.

Ang kinaugalian sa mausabong hunahuna makita sa lainlaing klase sama sa kuwang og determinasyon, walay pasensya, mabudhion, og maliputon. Ang gamot sa maong kinaugalian mao ang mausabong hunahuna. Imo gyod ning palayason aron makasulod sa espiritu.

Ang gamay’ng liso mogamot sa yuta og motubo aron mahimong dakong kahoy. Mao sad ni sa ‘mausab-usabong’ kinaiya. Kon makakita ka og ilhanan nga mo resulta sa imong pag usab-usab, imo dayon kining palayason og ayaw paghunong sa tungatunga.

1 Samuel 15:29 nag-ingon, “Ang Dios sa Israel dili mamakak o mag-usab sa iyang hunahuna; kay dili man siya tawo.” Mag matind-anon ta isip mga anak sa Dios pinaagi sa pagpalayas sa ma tumutumoong kasingkasing og mausabong hunahuna.

“Ang balaang ebanghelyo nipuno kanako sa kalinaw, kalipay og paglaom sa langit!”



Sister Tatiana Plamadyala, 23 anyos, Moldova Manmin Church

Human sa akong pagdawat sa Ginoo, nakabaton ko og kalipay og kalinaw sa dughan. Apan kay wala man ko mag ampo og maayo, ang akong gugma sa Ginoo nabugnaw og dili na permi mosimba. Nidaghan ang akong pangutana mahitungod sa pagtoo, og ang Pulong naka pabog-at nako tungod kay wala ko man kini gikinabuhi.

Og madismaya ko kon makakita og mga pastor nga ang binuhatan lahi sa ilang gipanudlo. Ang akong amahan na dismaya sad kon makakita sa maong batasan sa pastor og gani nibalik siya sa daang na andan sa pag sige og hubog. Ang among pamilya perming managlalis, og ako permi gyod nga maglagot. Dili nako ma kontrola ang akong hunahuna. Halos dili na gali mosimba.

Paghuman, nag antos ko sa kasakit sa tiyan og sakit sa ulo. Gi injeksyonan ko sa hospital og gitambalan apan walay silbi. Magsakit ang akong ulo tungod lang

sa kahayag sa adlaw, maong permi ko sa ngitngit nga kwarto. Nagsugod ko og hunahuna nga dili ko apil sa plano sa Dios og nahibulong ko nganong dili ko makaampo og naay daghang problema bisan nag simba ko. Tungod ini wala koy kalinaw.

Usa kaadlaw tuig 2014, ang akong higala, Brother Maksim Chubachuk niingon nga naay pastor nga makapalayas sa tanang sala og mogiya sa balaang kinabuhi ining panahona. Unya iyang gi rekomenda ang mga libro og sermon ni Dr. Jaerock Lee. Ako og ang akong mama gi imbitar niya sa Moldova Manmin Church atol sa pasko nga kalihokan.

Ang akong mama unang niadto sa simbahan og nagbasa sa labor ni Dr. Lee *The Message of the Cross*. Niingon sad siya nga pabasahon ko.

Pagbasa nako sa libro, akong na eksperyensya ang kahibulongan; kalipay og kadasig niabot sa akong

dughan. Daghang pangutana naa sa akong dughan natubag sama sa ‘Nganong gibuhay sa Dios ang tawo bisan siya nahibalo nga kini makasala?’ ‘Nganong gibutang sa Dios ang kahoy sa kaalam sa maayo og daotan bisan nahibalo siya nga si Adan mokaon gikan ini?’ og daghan pa.

Ang akong mga niaging kinabuhi nibalik sa akong hunahuna. Nagduhaduha ko sa Dios og may negatibong hunahuna. Nagsugod ko og hinulsol uban sa mga luha. Akong nabati nga na kompleto ang akong kinabuhi. Akong nakaplagan ang tubag sa akong pangutana kon si kinsa ba gyod ako. Ako sad nasabtan ang dakong gugma og plano sa Dios. Gibalikbalik nako og basa. Og nagsige ko og panabi sa mga tawo mahitungod sa libro. Moapil ko sa prayer meeting kada adlaw.

Og akong nahibaw-an nga dili ra diay ni. Ang labaw’ng naka sorpresa nako mao ang mga pagpanudlo ni Dr. Lee sa Genesis. Nipadayon ko og basa sa uban pang mga libro sama sa *Heaven, Hell*, og kasaysayan sa iyang kinabuhi *My Life My Faith* og naminaw sa iyang mga sermon.

Karon nakahibaw nako nga ang Dios gusto og tinuod nga mga anak nga adunay balaang kasingkasing og apil ko sa iyang mga plano. Naa koy paglaom sa New Jerusalem. Dugang pa, wala na ang akong sakit sa ulo og tiyan. Nagsilbi ko sa among simbahan isip magtutudlo sa Children’s Sunday School, og miyembro sa Dance Team, og leder sa Cell Meeting.

Ang miyembro sa among pamilya managkuyogay nasad nga mosimba. Akong pasalamat og himayaon ang Dios nga nigiya nako sa simbahan uban sa pulong sa kinabuhi og sa Ginoo nga nihatang nako sa kahibulongang panghunahuna og grasya. Dugang kong pasalamat si Senyor Pastor nga nibansay nako sa balaang ebanghelyo. Halleluyah!

“Naayo ko sa peritonitis pinaagi sa pag ampo ni Senyor Pastor!”

Pebrero 8, 2018, nisakit ang ubos nga bahin sa akong tiyan. Nagpadayon ang kasakit og nihubag ang akong tiyan murag puno sa gas. Dili ko makatugod og makakaon tungod sa grabing kasakit. Pagka 12, niadto ko sa ER sa buntag.

Ang doktor nipakita nako sa resulta og niingon “Naa kay acute appendicitis. Ang wala nga bahin nihubag og naay tubig sa tuo nimo nga pelvis. Kini ilhanan nga paingon sa pagka buslot. Mao ni Peritonitis.” Niingon siya nga operahan dayon ko.

Gusto unta kong makadawat sa kaayohan pinaagi sa pagtoo. Duha pa ka adlaw sa dili pa ang miting uban ni Senyor Pastor panahon sa Lunar New Year’s Holiday. Nipauli nalang ko. Ang

grabing kasakit dili na masayon.

Akong nahunahuna nga nausab ko sa akong matoohong kinabuhi. Nawala diri nako ang kapuno sa Espiritu tungod sa akong kabisi. Ako ning gihinulsolan. Nipadayon ko og inom sa Muan Sweet Water, ang tam-is og mainom nga tubig nga gikan sa parat nga tubig sa dagat nga nahimong lami pinaagi sa gahom sa Dios (Exodo 15:25). Ako sad gidawat ang pag ampo ni Senyor Pastor nga gi-record alang sa mga masakiton. Pinaagi ini, nakalahutay ko sa sakit.

Pag 14, niadto ko sa balay ni Senyor Pastor sakay sa ‘wheelchair’ og naminaw sa iyang mensahe. Pagdawat nako sa iyang pag ampo alang sa mga masakiton, niinit ang akong tibuok lawas. Paghuman malihok na nako ang akong tuo nga paa nga dili nako ma alsa tungod sa kasakit. Nibarog ko sa ‘wheelchair’ og nibalik ang akong gana.

Apan anang gabhiona ang grabing kasakit niigo nako. Wala koy laing mahimo apan ang pagpatulo sa luha og



Deconesa Myungrang Kim, 47 anyos, Parish 16, Manmin Central Church (wala)

pagbasol sa matag pulong og binuhatan nga gipahinumdom ngari nako sa Espiritu. Akong pasalamat ang gugma sa Dios nga nitugot nga akong masusi ang akong pagtoo.

Nakatulog ko og pag 8 a.m. nakamata. Kay niarang naman ang akong paminaw, akong gisusi ang kong tiyan. Bisin akong gihikap wala nay sakit. Ang akong ugangan laki nanawag nako nga naghilak. Niingon siya nga si Senyor Pastor nagpakita sa iyang damgo og nangutana kon naa ba siyang balatian.

Iyang giingnan nga ang iyang umagad masakiton kaayo og si Senyor Pastor niampo nako diha sa iyang damgo.

Ang dakong kahibulongan kay sa panahon nga nawala ang akong sakit maoy panahon nga si Senyor Pastor niampo nako diha sa damgo sa akong ugangan. Paghuman ang akong lawas dali kaayong naulian og normal na. Baskog nako karon. Akong pasalamat og himayaon ang Dios na niayo nako og magpasalamat sad ko ni Senyor Pastor nga niampo nako. Halleluyah!



CT scan sa iyang tiyan

◀ Sa wala pa ang pag ampo
Ang iyang appendix nabuslot og gilibotan sa nana.

Mga Sangay ng Ministeryo ng Manmin sa Pilipinas

Manila Manmin Holiness Church

441 Potato St, J-Figuera
Sampaloc, Manila, Pilipinas
Pastor Jaebhong Uhm
2-735-1423

Bataan Manmin Holiness Church

067 Daang Bago, Dinalupihan,
Bataan, Pilipinas
Pastor Jaebhong Uhm
2-735-1423

Isabela Manmin Holiness Church

Purok 3, Brgy, San Roque, San
Mateo, Isabela, Pilipinas
Pastor Jaebhong Uhm
2-735-1423

Cavite Manmin Holiness Church

5 Lot 33 Bk 1, Canutuhan (tenant),
Santiago Gen.Trias, Cavite, Pilipinas
Pastor Sharon Cho
046-850-3193 /
0916-674-3903 /
0905-319-8191

Imus Manmin Holiness Church

Blue Bell St. Plaridel III Sub.
Bayan Luma 7, Imus Cavite,
Pilipinas
Pastor Jubeom Kim
0927-311-7633

Cebu Manmin Holiness Church

LOT N. 402 - B-4
Looc Along Side The Canjularo
Road, Lapu-Lapu City Cebu,
Pilipinas
Pastor Rossetta Sung
0921-635-7595

Davao Manmin Holiness Church

301 Ilang Ilang St. Flores
Village, Bangkal, Davao City,
Pilipinas
Pastor Kathryn Kim
0908-635-2714